

28 September. 2025 .18:15 Hrs

Headlines

- प्रधानमंत्री नरेंद्र मोदी होरें लोकें गी अपील कीती जे ओहू त्यौहारें आहले उत्सव दरान स्वदेशी उत्पादें दा इस्तेमाल करन ते युवा उद्यमिणं दे सुखने गी पंख देन।
- आकाशवाणी पर प्रसारित “मन की बात” प्रोग्राम च प्रधानमंत्री होरें लोकें गी खादी उत्पाद खरीदने दी अपील कीती, खास करी गांधी जयंती दरान। उनें वोकल फॉर लोकल अभियान गी बल देने पर जोर पाया।
- सेवा पर्व तैहत कटड़ा च आयोजित स्वच्छता अभियान च उपराज्यपाल मनोज सिन्हा होरें हिस्सा लैता।
- ते क्रिकेट च एशिया कप फाइनल च अज्ज संझा भारत दा मुकाबला पाकिस्तान कनै होगा।

<><><><><><>

PM MKB

प्रधानमंत्री नरेंद्र मोदी होरें लोकें थमां वोकल फॉर लोकल यानि मुकामी उत्पादें गी खरीदने आहले मंत्र गी चेत्ता रखदे होई औंदे त्यौहारें दे मौसम गी स्वदेशी उत्पादें दे कनै मनाने दी अपील कीती। आकाशवाणी पर प्रसारित “मन की बात” कार्यक्रम दी 126मीं कड़ी च उनें आखेआ जे औंदे दिनें च केई सारे त्यौहार न ते जीएसटी बचत उत्सव बी चला’रदा ऐ। उनें आखेआ जे स्वदेशी उत्पादें गी खरीदने कनै परौआर च ते खुशी होग गै कारीगरें दी मेहनत दा बी सम्मान होगा। उनें आखेआ।

औंदी गांधी जयंती बारै गल्ल करदे होई प्रधानमंत्री नरेंद्र मोदी होरें जोर देइऐ आखेआ जे असेंगी स्वदेशी ते खादी उत्पादें गी अपनाना लोड़चदा। उनें आखेआ जे हर कुसै गी 2 अक्तूबर गी खादी उत्पाद खरीना लोड़चदा ते इसी वोकल फॉर लोकल हैशटैग कनै सोशल मीडिया पर सांझा करना लोड़चदा। प्रधानमंत्री होरें नौसेना दी 2 बहादुर अधिकारिणं दी उपलब्धि गी चर्चा कीती। ओहू नाविका सागर परिक्रमा दरान 8 महीने तगर समुंद्र च रेइयां। उनें आखेआ जे लेफ्टिनेंट कमांडर दिलाना ते रूपा होरें इस परिक्रमा गी इक यादगार मौका दस्सेआ। इनें दौनें

अधिकारिएं त्रै ब'रे तगर नौवहन थमां लेइयै आपात स्थिति च संवाद कायम करने आहले उपकरणें गी चलाने दी तैयार कीती। प्रधानमंत्री होरें मेद जाहिर कीती जे उंदी सख्त मेहनत, सफलता ते उपलब्धि औने आहली पीढ़िएं गी प्रेरित करोग, खास करी मुख्य दी कुड़िएं गी। प्रधानमंत्री होरें इस गल्ला पर खुशी जाहिर कीती जे हुन छठ पूजा इक वैश्विक उत्सव च बदला'रदा ऐ। उनें आखेआ जे सरकार छठ महापर्व गी यूनेस्को दी सांस्कृतिक धरोहर सूची च शामिल करने दे जत्त करा करदी ऐ।

प्रधानमंत्री नरेंद्र मोदी होरें 'मन की बात' दी 126मीं कड़ी च स्वतंत्रता सेनानी भगत सिंह ते गायक लता मंगेशकर होरें'गी बी चेत्ता कीता।

प्रधानमंत्री नरेंद्र मोदी होरें खुशी जाहिर कीती जे हथखड़ी ते हस्तकला क्षेत्र च बड़ा मता बदलाव होआ'रदा ऐ। प्रधानमंत्री होरें झारखंड दे आशीर्ष सत्यव्रत साहू दी बी चर्चा कीती जिनें जोहार ग्राम ब्रांड कन्नै आदिवासी बुनाई ते कपड़ें गी इक वैश्विक पंछान दित्ती। प्रधानमंत्री होरें आखेआ जे औने आहले दिनें च अस विजयदशमी दा त्यौहार मनागे। उनें आखेआ जे इस ब'रे विजयदशमी दा त्यौहार इक होर वजह करी खास ऐ कीजे राश्ट्री स्वयंसेवक संघ दी स्थापना दे इस दिन 100 ब'रे पूरे होआ करदे न।

<><><><><><>

उपराज्यपाल मनोज सिन्हा होरें श्री माता वैष्णो देवी जी दी पवित्तर गुफा दे आधार शिविर कटड़ा च अज्ज “सेवा पर्व” दे इक हिस्से दे तौरा पर स्वच्छता अभियान च हिस्सा लैता। इस मौके पर एल.जी होरें श्राइन बोर्ड दे सीनियर एहलकारें, स्वयंसेवियें ते श्रद्धालुएं गी साफ-साई बनाई रखने, निस्वार्थ सेवा, सामुदायिक कल्याण ते समाज च रमानदारी बनाई रखने दा प्रण पाया। किट्टु गी संबोधित करदे होई एल.जी होरें आखेआ जे सब्बनें दा किट्टे आइयै इस चाल्ली सगंध चुकना समाज दी बेहतरी लेई सांझी प्रतिबद्धता गी दर्शादा ऐ ते सेवा पर्व एहदा गै इक हिस्सा ऐ। उनें आखेआ।

<><><><><><>

Seva Parv

मुख्य भरै च औंदी 2 अक्तूबर तोड़ी मनाई जा’रदी ”सेवा पर्व” पैहलकदमी तैहत अज्ज अस तुसेंगी दस्सगे जे किस चाल्ली मोदी सरकार नै प्रधानमंत्री जन धन योजना राहें माली समावेशन गी बढ़ावा दित्ता ऐ। 2014 च शुरू कीती गेदी एह योजना दुनिया भरै च अपनी किस्मै दी सब्बनें शा बड़ी पहलकदमियें चा इक बनी गेई ऐ। मौजूदा समें च इस योजना तैहत 56 करोड़ शा मते खाते खोले गेदे न, जिंदे चा 67 फीसद ग्रामीण ते अर्ध शैहरी इलाके दे लाभार्थियें दे न ते 56 फीसद खाते महिलाएं दे न। एह योजना लोके गी सशक्त बनाने ते पूरे मुल्ले च समावेशी, डिजिटल ते बरोबर विकास गी बढ़ावा देने दा कम्म करा’रदी ऐ। आकाशवाणी समाचार कन्नै गल्ल करदे होई प्रधानमंत्री जन धन योजना दे लाभार्थियें आखेआ।

<><><><><><>

Prog. Announcenent

आकाशवाणी दा क्षेत्रीय समाचार एकांश जम्मू “सेवा पर्व 2025” दे तैहत अपने विशेष कार्यक्रमें दी श्रृंखला दे इक हिस्से दे तौरा पर कल सोमवारें 29 सितम्बर गी 25एं मिन्टे दी इक विशेष परिचर्चा प्रसारत करने जा रदा ऐ,

जेहदा विषय रखेया गेदा ऐ- “दफा 370 ते 35ए गी खत्म करने बाद पूरे जम्मू खित्ते च सेहत ढांचे ते सेवाएं च बदलाव”। इस कार्यक्रम च स्टांडे परौहने होडन नारायणा सुपर स्पेशलिटी अस्पताल, कटड़ा च ऑर्थोपेडिक्स विभाग दे सीनियर कंसल्टेंट डॉ. विकास पाधा जेहडे इस विषय दे बक्ख-बक्ख पहलुएं पर अपने विचार सांझे करडन। इंदे कन्नै गल्लबात करडन स्टांडे न्यूज एंकर श्रुति खजूरिया ते कुणाल श्रीवतस। एह कार्यक्रम कल सोमवारें 29 सितंबर 2025 गी दपैहरी 12 बजे स्टांडे इससै चैनल पर मीडियम वेव 303 मीटर यानी 990 किलोहर्ट्स ते थड 100 इशारिया 3 मैगाहर्ट्स पर प्रसारत कीता जाहगा।

<><><><><><>

Asia Cup

एशिया कप टी-20 क्रिकेट दे फाइनल च अज्ज भारत दा मुकाबला पाकिस्तान कन्नै होगं एहू मैच भारती समें मूजब रातीं 8 बजे शुरू होग। एहू मैच दुबई च खेडेआ जाग। एशि कप दे 41 बरें दे इतिहास च एहू पैहला मौका होग जिसलै दवें टीमां फाइनल खेडडन। भारत हुनै तगर 8 बारी एशिया कप दा खिताब अपने नांऽ करी चुके दा ऐ। इस बारी प्रतियोगिता च दवें टीमां त्रीऽ बारी आमने-सामने होडन।

<><><><><><>

SWD-Ramban

रामबन दे समाज कल्याण विभाग नै “शक्ति संकल्प” मिशन तैहत ते “बेटी बचाओ, बेटी पढ़ाओ” अभियान दे इक हिस्से दे तौरा पर रामबन जिले च इक कल्याणकारी कार्यक्रम दा सरिस्ता कीता। इससै चाल्ली “सेवा पव” तैहत मैहकमे आसेआ बक्ख-बक्ख केंद्र प्रायोजित स्कीमें बारै जागरूकता पैदा करने लेई केई कैप बी शुरू कीते गे न। कार्यक्रमै च सेहत, साफ-सफाई, स्थिरता ते सामुदायिक जिम्मेदारी पर ध्यान केंद्रित कीता गेआ जेदे च शिक्षकें, विद्यार्थियों ते मकामी लोकें दी सक्रियता कन्नै भागीदारी दिक्खने गी लब्बी। इस बारै आकाशवाणी समाचार कन्नै गल्ल करदे होई रामबन दे जिला समाज कल्याण अधिकारी तारिक काजी होरें आखेआ।

<><><><><><>

नमीं पीढी दे जीएसटी सुधारें तैह्त्त केन्द्र सरकारै केई सारी चीजें पर टैक्स दी दरें गी घट्ट कीता ऐ ते इंदे च उपभोक्ताएं दे इस्तेमाल आह्लियां चीजां ते गड़ियां वगैरा बी मुख्त तौर पर शामिल न। जंदी 22 सितम्बर थमां घरें च इस्तेमाल होने आह्ली इलैक्ट्रानिक चीजें जि'आं एयर कंडिशनरें, डिश वाशरें ते बड्डी स्क्रीन आह्ले एलईडी टेलीविजनें पर जीएसटी दी दर गी 28 फीसद शा घटाइयै 18 फीसद करी दित्ता गेआ ऐ। इस्सै चाल्ली 350 सीसी तगर दे इंजन दी समर्थ आह्ले दो-पहिया वाहनें सने 1200 सीसी शा हेठली समर्थ दिएं लौह्की पेट्रोल कारें पर जीएसटी दी दर गी घटाइयै 18 फीसद कीता गेआ ऐ। इस गैह् दा मकसद एकड्डी चीजें गी मता किफायती ते पुज्जत आह्ला बनाना ऐ। इस गैह् दी सराहना करदे होई इक मुकामी बसनीक ने आखेआ

<><><><><><>